



Aurrera elkarteak urte askotan hartu izan du parte Inauterietako konpartsan.

Ostiralean hasiko dira 25garren Inauteriak Hernanin eta aurten Aurrera elkarteak izango da omendua

■ Inauteri jaiek 25 urte betetzen dituztela eta *Hernaniko Inauteriak oroitzu* liburua osatu dute hainbat herritarrek eta Udalak ■ Igandeko konpartsetan, aurten berri bat aterako da eta guztira 500 pertsonak hartuko dute parte.

OSTIRALEAN hasiko dira Hernanin Inauteriak Udaletxeko balkoitik suziria botata eta aurten Aurrera elkarteak jasoko du omenaldia. Aurrera elkarteak ezintasun psikikoren bat duten pertsonekin aritzen da lanean, eta Inauterietan urteetan parte hartu izateagatik eta herrian egiten duten lana errekonozitzeko asmoarekin aukeratu ditu Jai Batzordeak.

Hernaniko Inauteriak oroitzu Hernaniko Inauteri jaiek 25 urte betetzen dituzte eta hori dela eta *Hernaniko Inauteriak oroitzu* liburua osatu dute hainbat herritarrek eta Udaletxeak. Liburuan Inauterien inguruko artikulua, argazki zahar eta berriagoak eta Inauterien historia jasozten dira, besteak beste. Liburuaren aurkezpena Biterin

egingo da ostegun honetan, hilaren 19an, arratsaldeko 20:00etan.

Unai, konpartsan berria

Aurten ere jende ugari aterako da igandeko konpartsetan eta gainera bat berria aterako da: *Unai* konpartsa, hain zuzen ere. Eguerdiko 12:00etan aterako dira Urbieta kaletik, Ttarla, Langile, Inmaculada, Elizatxo eta Unai eta Aurrerako konpartsak, eta guztira 500 pertsona ibiliko dira mozorrotuta kale giroa animatzen. Azeri dantzarik ere ez da faltako aurtengo Inauterietan, eta larunbata eta astelehen goizean izango da ikusteko aukera.

Aurtengo Inauterietan haurrek aukera zabala dute. Larunbatean, xexenak, kale animazioa eta mozorro festa izango dituzte. □

Igandean, berbena eta astelehenean, gazteentzat Azeri

dantza, pailazoak eta antzerkia izango dira. □

Otsailak 20, ostirala

15:30etan: Inauterien hasiera. *Aurrera* taldea omenduko da eta segidan ikastetxeetako haurrek kale buelta egingo dute Urumea Ikastolako txarangaz lagunduta. Gudarien plazan.

16:30etan: Erraldoi eta buru-haundiak.

17:00etan: *Enez* triki taldearen emanaldia. Plaza Berrian.

22:00etan: Elkarte arteko pelota txapelketa, Kiroldegian.

Otsailak 21, larunbata

10:00etan: Azeri Dantza

11:00etan: *Betikoak* txarangarekin kale buelta.

11:30etan: Xexenak haurrentzako. Urumea Ikastolan.

12:30etan: Erraldoi eta buru-haundiak

16:30etan: *Circus Mircus* kale animazioa *Detraka* taldearekin eskutik. Plaza Berrian.

18:30etan: *Mozorro festa*. Gaz-

teek prestatuko emanaldiak. Tilosetan.

00:00etan: *Betikoak* txarangarekin kale buelta.

Otsailak 22, igandea

11:30etan: *Betikoak* txaranga.

12:00etan: Konpartsen irteera.

17:30etan: Haurrentzako berbena, Plaza Berrian.

19:30etan: Musika Eskolako trikitilari eta dultzaneroekin kale buelta.

Otsailak 23, astelehena

09:00etan: Diana

10:00etan: Azeri Dantza.

12:00etan: Potxin eta Patxin pailazoak, Biteri Plazan.

16:00etan: Erraldoi eta buru-haundiak.

17:00etan: Haurrentzako *Klaketak* emanaldia, Hortzuga taldearekin.

Otsailak 24, asteartea

18:30etan: Sardinaren entierroa.

ALTZUETA
TOLARE - SAGARDOTEGIA

www.altzuetasagardotegia.com

Altzuetasagardotegia S.L
Osinaga Auzoa, 7 • 20128 Hernani
Tel./Fax: 943 55 15 02
e-mail: altzuetasagardotegia.com

Asteartetik
Larunbatera
irekita

ITXASPE

Arrandegia
Antziola 5
Tel.: 943 330 365
Mobila: 653 74 10 97
20120 Hernani

g taberna-jatetxea

astelehenetik
igandera
10:00etatik

✓ Eguneko menua
✓ Menu berezia

Goizeko 10:00etatik aurrera
Gosariak, plater konbinatuak,
razioak, kaxuelak, bokatak, pintxoak...

Izpizua kalea 15 - HERNANI
943 55 00 02



Museko sarituak, kaldereroetako omenduak eta elkarteko arduradunak Elur-Txori aurrean.


Elur-Txori urteurreneko bazkaria eta museko sari banaketa izan zituzten igandean

■ Binaka, Karrera eta Mitxelena gelditu ziren txapelkun, eta Gorka banakakoan.

URTEURRENEKO bazkaria egin zuten joan den igandean Elur-Txori elkartetan eta bazkal ondoan mus txapelketako sariak banatu zituzten. Binaka eta banakako txapelketak jokatu dira eta binakakoan, Karrera eta Mitxelena gelditu dira txapelkun; bigarren, Arozamena-Lapazaran; hirugarren, Martinez-Zubillaga; eta laugarren Garcia-Guardado. Buruz buru txapelkun Gorka gelditu da; bigarren, Ormazabal; hirugarren Txatxon; eta laugarren Burugain.

Kaldereroei eskerrak

Bestalde, Kaldereroak antolatzen urtetan egindako lana eskertzeko plaka bana eman zien elkarteak Karlos Landa eta Gregorio Mitxelenari. □



Lujanbio, Mendiluze eta Irazurekin bertso bazkaria otsailaren 28an

ELUR Txori elkarteak bertso bazkaria antolatu du otsailaren 28rako, larunbata. Maialen Lujanbio, Aitor Mendiluze eta Jexux Mari Irazu ariko dira kantuan. Txartelak salgai daude Elur-Txori bertan eta Oindi eta Rioja tabernetan, 25 eurotan.



Mozorroak ibili ziren etxez etxe eta kalean barrena Aranon, Inauterietan.

Igandean ospatu zituzten inauteri jaiak aranon eta mozorroak puska biltzen ibili ziren goiz osoan. Arratsaldean kalean egin zuten dantza eta antzerkia: mozorroak dantzan joaten dira eta aitona eta amona jende artean korrika eta arrastaka ere bai. Antzerki bukaeran amona haurdun gelditzen da eta umea ekartzen du. Ondorenean herri afaria eta dantza izan ziren. □

■ HITZ BITAN

✓ HAUTESKUNDEAK

Mahaietako ordezkariak izendatzea gaur. Plenoak gaur goizean izendatuko ditu martxoak 14ko hauteskundeetako mahaiak. Plenoa, goizeko 09:15etan da.

✓ BERTSOLARITZA

Hernaniko bertsolariak sagardotegietan. Gaur Estitxu Eizagirre, Xabier Legarreta eta Gorka Tolosa arituko dira Lizeaga Sagardotegian. Ostegunean, berriz, bi saio izango dira. Oialume-Zarren, Ibon Miner, Iñaki Zelaia eta Jexux Mari Irazu; eta Rezolan, Unai Agirre, Aritz Zerain eta Jon Iraola. Ostiralean, berriz, Larregainen izango dira bertsolariak.

✓ BOLEIBOLA

Hernanik ezin Fortunaren kontra, igandean. Igandean kiroldegian jokatu zuen Hernaniko nesken taldeak Fortunaren kontra eta ezin izan zuten irabazi. Fortunak 0-3 irabazi zuen. Jokoak: 15-25, 6-25, 20-25.

Ester Lopez Kopako txapelkun. Ester Lopez boleibol jokalaria hernaniarrak, CV Marichal Tenerife taldearekin jokatu du eta asteburuan Kopako txapelkun gelditu dira, Caja Avilari 3-0 irabazita. Kanarietako taldeak bigarren kopa du jarraian eta baita jokalaria hernaniarrak ere. Horrez gain, Tenerife sailkatua dago Europako Txapelketako azken faserako eta Superkopako txapelkun gelditu da aurten. Ester Lopez joko maila oso onean dago eta Espainiako selekzioko jokalaria fijo da libero postuan.

✓ TXANTXANGORRI ELKARTEA

Mus txapelketako partidak gaur. Txantxangorri elkartean mus txapelketako 2garren kanporaketako partidak jokatu dira gaur. Balantxa-Balantxak Iñaki-Joserraren kontra jokatu dute eta Albert-Pedrok Joxe-Mikelen kontra.

✓ ASTIGARRAGA

Bideo emanaldia kultur etxean. *Isiltasunaren aurkako ahots guztiak* leloarekin bideo emanaldiak botatzen dituzte asteatero Astigarragako kultur etxean. Gaur Lurraren Odola pelikula botako dute. Kolonbiako Uwa herriaren historia kontatzen du, nola borroka egiten duten lurraren eta kulturaren alde, petrolio enpresa eta besteren kontra. Gaur 20:00etan. □

ZERBITZUAK

☎ TELEFONOAK

- ▶ Taxiak: 943 550093
- ▶ Udaltzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

☎ FARMAZIAK

- ▶ Egunez: Bilbao-Sagastiberri Urbieta 7 ☎ 943 552941
- ▶ Gaez: Iturralde Usurbil. Poligono 13, 9 ☎ 943 363395

IRAGARKI MERKEAK

Iñigo Royo Masajista. Masajea, naturopatia, akupuntura, ajuste neurologiko eta bertebrala, reflexologia, auriculoterapia,... ☎ 943 33 28 94 - 626 80 76 33 (Sta Barbara 42)

Power Mac 7200 ordenagailua salgai. Osagaiak: 15" monitorea, EPSON inpresora, ZIPa. Interesatuek deitu: ☎ 680 26 86 69

ESKERTZA

Cristino Albistur Bikandia

Otsailaren 10ean hil zen 78 urte zituela

Haren emaztea, semea eta gainerako ahaideek oso eskertzen dizute samin agurra bidali zenu-teneni eta baita bere hiletara etorri zineten guztioi ere.

Hernanin 2004ko otsailaren 17an



Matrikula zabalik dago etapa guztietan (2-16)

Otsailak 16-27

Non: Laubidietan

Ordutegia
9:00-13:00
14:30-17:30

Ikastetxeak bisitatzeko aukera eskaintzen da

Laubidieta z/g. - 20120 Hernani ☎ 943 555 423 - Faxe 943 331 936
Informazio gehiago gure web gunean: www.langile.com